


միմիայն վանքի շինութեան մոտավոր թվականը վորոշել Ապաղայի (1265—1282) և Հակոբ Ա. կաթողիկոսի (1268—1287) ժամանակներով, յեթե բարեբաղդաբար մի այլ տեղ պահված չլինեի իսկական թվականը. գմբեթի թմբուկի հարավային կողմը՝ մագիլների մեջ խոյ բռնած արծվի բարձրաքանդակի չորս անկյուններում, «Թ. Չ. Ի. Բ» (1273) տառերը. առաջինները վերին՝ իսկ վերջին յերկուսը ներքևի անկյուններում. այս թվականը չունի վոչ Զալայան և վոչ Ալիշան, այլ միայն Քաջբերունի և Սխով (տ. պատկ. 47)*:

Արձանագրութեան մեջ տաճարի շինութեան համար ասված է «յարիական և քաջատոհմ յիշխանութե Պոռոյ եւ որդոցն Պապաքին, Հասանա, մանկան Էաչոյ շինեցաւ սր եկեղեցիս ի բնակարան փառացն այ (աստուծոյ) եւ յարկ սրբոյն Ստեփանայ»: Արձանագրութեան հաստատում են «մեք պարոնայքս եւ միարանքս»: Այստեղ վորոշակի չի ասված, թե յեկեղեցու շինողը Պոռոյն և յոր վորդիների հետ, բայց անկասկած է, վոր մեծ ոժանդակողն է. տաճարը շինված է «յերկար կենդանութի պարոնացն» և սահմանված է Աստվածածնի փոխմանը յերեք որ «մեծ պարոնին մերոյ Պոռայ»: Տաճարը շինված է, ուրեմն վորպէս «յար՛» ս. Ստեփանոսի» և մեծարանք տոհմի նահապետ Պոռոյի համար: Նորա յերկու վորդիները Պապաք և Հասան հայտնի են մեղ արդեն առաջուց. մանուկ Էաչին Պոռոյի թոռն է, Հասանի վորդին, վոր միակ ժառանգը լինելով, հեշատակված է այստեղ. կրկին անգամ սույն վանքի խութլու բեկի և ապա Մարտիրոս գյուղի վրմափոր յեկեղեցու արձանագրութեաններին մեջ՝ Պոռոյի և վորդիների հետ: Զալայան և Քաջբերունին սխալմամբ նորան Պոռոյի վորդիների շարքում են դասում, տեղիք տալով յերկու Էաչիներին՝ գոյութեան. մենք առիթ կու-

նենանք այս խնդիրը պարզելու, յերբ հատուկ զխով նորա մասին կխոսենք:

Որբեկյանը ԼԱ. գլխի մեջ նկարագրելով Ստեփանոս Սյունեցու մահն ու թաղումը Թանատի վանքում, ավելացնում է. «եւ շինեալ ի վերայ փոքրիկ մատուռ մի. զոր յետոյ յ728 (ՉԻԸ) թվականին շինեցին բնակիչք տեղւոյն եկեղեցի գմբեթայարկ, գեղեցիկ յօրի-



Պոռոյի վրմափոր տաճարի բեմի ճակատին ձախ կողմից. Պատկեր 40.

նուածովք, և եղին զտապան սրբոյն ի հիմն նորա»*: Որբեկյանի այս հակիրճ նկարագրութեանը միանգամայն հարմար է գալիս վոչ միայն ներկա շինութեան արտաքին կողմին, այլ և արձանագրութեաններին, վո-

* Գմբեթի վերա կամ յեկեղեցու ճակատին շինութեան թվականը նշանակելու սովորութեանը հաղվագյուտ չէ մեր յեկեղեցական ճարտարապետութեան մեջ միջին դարերում, ինչպէս Վայոց ձորում Սպիտակավոր Աստվածածնի արևմտյան ճակատին ՉՀ. վոր դարձյալ Պոռոյանների շենք է. Հերհերի նորագոյն մատրան արևմտյան ճակատին ՉԼԱ., Շահունեցի իշխանների գործ. Կոտայքի Գյուղ Բիլիսայի արևմտյան ճակատին ՉԴԸ:

** Ստեփանոս Սյունեցու վկայարանութեանը Որբեկյանի պատմութեան խմբագրութեամբ անցել է Յայսմավուրքի մեջ (Չեռ. Ն. Յ. № 1005). միայն այստեղ թվականը ՉԻԹ. է. բայց կա Մխիթար Այրիվանեցու գրած վկայարանութեանը պատմական—մատենագրական կարևոր տեղեկութեաններով, նոյնպէս անցած Յայսմաուրքի մեջ, վորից մի քանի կտոր առել ենք մեր այս աշխատութեան մեջ: Յերկու հեղինակներն ել ոգտվել են մի յերրորդ աղբյուրից, վոր զեռ ևս զտնված չէ: